

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

55. Fides Ivridica

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

chinnans, hoc in sinum gaudens. B. Tunc hæc te somniasse dices? A. Equidem; ut hujus mundi nox est, qua Christianæ Religionis severitas occidit, & Ægyptiæ tenebræ Satyrorum choros & ludibria reducerunt. B. Quid anne Christus gaudium omne prohibet? A. At tu nondum chorum meum omnem audivisti. Nam post omnes subsequeretur Christus, asina vectus, & væ væ illud lachrymarum imbre ingeminans; cumque jam propè mihi esset, audivi dicentem: Hoc vobis confirmo, mitius actum iri cum Sodomis & Gomorris in die judicij, quam cum his.

55. FIDES IVRIDICA.

A. Tene lætari rebus tam tristibus? B. Etiam exultare libet. A. Quid? An Homerus revixit? B. Nugæ! libellus novus contigit. A. Vah libellos, quibus nihil est in terris jejunius. B. Quibus nihil est ad leniendam hanc vitam presentius. A. Quid ergo tibi confert boni libellus tuus? B. Novam fidem. A. Deus avertat! nam cum inter tot novas fides vix veterem retineamus, quid de recentiore aliqua fiet? B. Atqui hæc nova meâ, illa antiqua fides est, sub qua salvifica fides ut plurimum resplendit. A. Quod illi sectæ nomen? B. Hem sectæ, quæ sectatorem vix uspiam habet! A. Sive religioni? B. Quam colere nostris religio est. A. Ergo persuasioni. B. At nemini

mini persuaderetur. A. Saltem opinioni. B. Stultitiæ potius dixisses. Nec enim tam ridiculum hodie quicquam est, quam huic fidei meæ fidem dare, ac servare. A. Quin tu nomen aperis? B. Si quidem fidem mihi das, te huic fore fidelem. A. Tunc ei præfideas, ut possis alios in fidem accipere? B. Id quidem paulo post & tibi licebit, si hunc ordinem ingrediaris. A. Quem ordinem? B. Viri boni. A. Eho! an minus tibi videor bonus? B. Heu, quam frequens hæc omnibus vox est! Interim fides mea absque comitatu obambulat. A. Quam tu tandem fidem jactitas? B. Fidem Iuridicam. A. Iuridicam verò! cum ægre inter Christianos numerentur Iuristæ. B. Aliud est juris custos, aliud juris institor, patronus alius est, alius rabula. A. Et quid illa tua fides sibi vult? B. Ut Magnates paterne præsent, subditi fideliter serviant, sacerdotes servide doceant, grex prompte discat, Optimates virtute præluceant, vulgus candide suis occuperetur, si ve ut paucissimis habeas, omnes honeste vivant, neminem lædant, & jus suum cuique tribuant. A. Hæc quidem naturales leges sunt. B. Itaque nos minus naturales, qui transgredimur. A. Quid verò opus est, tam antiquissimas leges novam fidem appellare? B. Quoniam vir bonus hodie non novum tantum, sed miraculū. Itaque miraculosam fidem dicere licebit. A. Crede mihi, rideberis isto tuo novo ordine. B. Crediderim; mirum ergo non est, subditos devorari, auditores fascinari, juventutem circumduci, vulgus deprimi, & rempublicam omnem confusissimis volutationibus turbari. A. Sine fiet,

quod nostrum neuter impedit. B. Sit sane; dum interim gaudeamus quoties vir bonus & fidei antiqua custos occurrer. t.

56. RESTITUTIO IN
INTEGRVM.

A. **H**Em quis concursus hominum, quis ap-
plaudentium strepitus? B. Vah tu unus ig-
norabis quod possideamus Publicum Bonū?
A. Gratulor equidem vel nescius rerum, sed non
tu me beabis felicitatis novæ descriptione? B.
Quin me potius comitaberis, ut adoremus uter-
que terrenum numen. A. Dic fodes quæ Dea il-
li? B. Vix præ lætitiâ possum, ita expectata nobis
diu, & precibus vocata tandem comparavit. A.
Integritas est? B. Non ea quidem sed quæ inte-
gritatem, cum numeroſo alio virtutum choro
adduxit. A. O felicia tempora! B. Equidem; qui-
bus Hercules novus, monstrorum dormitor om-
nium apparuit. A. Enecas me mora. B. Et Ascle-
piades novus, novus Machaon terrens redditus est, pel-
lendis morbis immissus. A. Libera me. B. Et
Saturno imperium restitutum, ad pristinam fe-
licitatem revocandum. A. Quin eos spectatum B.
Mane, jam nomen accipies, sed pileum prius de-
trahere. A. Si vis etiam calceos. B. Quod felix fau-
stumque, Reformatio urbem nostram magna
pompa ingressa est. A. Ha ha ha he he. B. Dij te
perdant, qui saluberrimum hoc nomen rides. A.
Heu heu nobis! B. Iam nescies? A. Quid fa-
ciam, si nec ridere, nec flere licet? B. Potius admi-
taberis